

Սիրելի ընկեր,

Մարդասիրական ճգնաժամերի առաջնագծում տեղի ունեցող իրադարձությունների մեծ մասը երբեք չի հայտնվում լրահոսում, իսկ տեղում աշխատող մարդիկ հազվադեպ են ստանում հնարավորություն ներկայացնելու իրենց պատմությունը: «Ավորան» օգնում է փոխել այս իրականությունը:

Իսմայիլ Ալաբդուլան անգլերենի ուսուցիչ էր Հալեպի գյուղական շրջաններից մեկում, երբ 2011-ին Սիրիայում քաղաքացիական պատերազմ սկսվեց: Երբ երկրի իշխանությունը բանակը հանեց խաղաղ բնակիչների եւ քաղաքացիական ենթակառուցվածքների դեմ, Իսմայիլը միացավ «Սպիտակ սաղավարտներ» (White Helmets. այժմ՝ Սիրիայի քաղաքացիական պաշտպանություն) կազմակերպությանը: Ավելի քան մեկ տասնամյակ նա օգնել է փրկել խաղաղ բնակիչների կյանքը՝ դուրս բերելով նրանց փլատակներից, փաստագրել հարձակումները եւ միջազգային հարթակներում հանդես եկել նրանց անունից, ովքեր զրկված էին այդ հնարավորությունից:



Նա հունիսի 16-ին մեկնարկած **«Մարդասեր հերոսներ. ծայներ առաջնագծից»** խորագրով հանդիպումների շարքի առաջին թողարկման հյուրն էր: «Ավորան» այս ամենամսյա առցանց շարքն իրականացնում է Յեյի համալսարանի Հանրային առողջապահության դպրոցի PEACE՝ Հավասարության, հասանելիության եւ համայնքահեն կրթության ծրագրի հետ համագործակցությամբ: Այն **«Ավորոա 2.0»-ի** տեսլականը կյանքի կոչելու ուղիներից մեկն է. մենք հարթակ ենք տրամադրում **«Ավորոայի» մարդասիրական համայնքի** ադամներին, որպեսզի նրանք անձամբ ներկայացնեն իրենց պատմությունները:

Հանդիպման ընթացքում Իսմայիլը խոսեց ակտիվ պատերազմական գոտիներում առաջինն արձագանքելու ծանր պատասխանատվության մասին. *«Դու անում ես հնարավոր ամեն ինչ: Դու անում ես, ինչ պարտավոր ես անել»;* *ասաց նա: «Բայց չես կարող փրկել բոլորին»:*

ԴԻՏԵՔ ԱՌԱՋԻՆ ԹՈՂԱՐԿՈՒՄԸ



Կարելոր է, երբ նկատում են, բայց նույնքան կարելոր է, թե ինչ է հաջորդում դրան: Նախորդ ամիս «Ավորա» մրցանակի դափնեկիր **Բժիշկ Դենիս Սուկվեգեն** երկրորդ փուլով **ըրամաշնորհներ հատկացրեց** տեղական մարդասիրական գործիչներին Կոնգոյի Դեմոկրատական Հանրապետությունում (ԿԴՀ), Սոմալիում, Մալավիում, Բուրկինա Ֆասոյում եւ Կոլումբիայում: Բժիշկ Սուկվեգեն ինքն է ընտրել շահառուներին՝ աջակցելով այն մարդկանց եւ կազմակերպություններին, որոնց ճանաչում է եւ վստահում: Այս մոդելը պարզ է եւ արդյունավետ, ինչի մասին վկայում է վիճակագրությունը. վստահելի կապերի միջոցով տրամադրվող ֆինանսավորումն ավելի արագ է հասնում համայնքներին, քան դրսից եկող օգնությունը:

Կարելոր է ճիշտ ընտրված ժամանակը: ԿԴՀ-ն այժմ բախվում է Էբոլայի համաճարակի բռնկման վտանգավոր խնդրին, եւ այս փուլում տրամադրված ֆինանսավորման մի մասն ուղղվում է Հարավային Կիվու նահանգում **«Մոսեկա» գործողությունների նախագծին**՝ աջակցելով համայնքային կրթությանը, կանանց հմտությունների զարգացմանը եւ տեղում Էբոլայի վերաբերյալ իրազեկման աշխատանքներին:



Այսպես է հնարավոր ապահովել կայուն աջակցություն՝ ոչ թե մեկնագամյա միջամտության, այլ առաջնագծում աշխատող մարդկանց հետ կայուն հարաբերությունների միջոցով: **Երկու փուլում** էլ ընդգրկված նախաձեռնություններից մեկի շրջանակում աջակցություն ստացած **«Յեննենգա առաջընթաց»** (Yennenga Progress) կազմակերպության հիմնադիր Սթենա Բերգեն նշում է. *«Յուրաքանչյուր հպարտ ուսուցչի եւ կարդալ սովորող յուրաքանչյուր երեխայի հետեւում պակաս տեսանելի, բայց կենսական նշանակության անհրաժեշտ պայմաններ են՝ համառություն, ժամանակին վճարվող աշխատավարձ, կարգապահություն եւ երկարաժամկետ կառույցներ»:*

Աջակցելով «Ավորոային»՝ դուք օգնում եք, որ Բժիշկ Սուկվեգենի դրամաշնորհին արժանացած կազմակերպությունների ու անհատների նման մարդասիրական կազմակերպություններն ու գործիչները շարունակեն իրենց աշխատանքը, իսկ նրանց ապավինող համայնքներն ստանան անհրաժեշտ օժանդակություն:

ԱՋԱԿՑԵՔ ԱՎՐՈՐԱՅԻՆ

«Ավորոայի» յուրաքանչյուր հերոսի հետեւում կանգնած է մեկը, ով առաջինն է ասել՝ աշխարհը պիտի լսի այս մարդու մասին: Եթե ճանաչում եք մեկին, որն իր մարդասիրությամբ արթնացնում է մարդասիրությունն այլոց մեջ, առաջադրեք նրան:



Թեկնածության առաջադրումն «Ավորա» մրցանակին առաջին քայլն է դեպի ճանաչում, ֆինանսավորում եւ մարդասերների համայնք, որը հնարավորություն է տալիս տեղում գործող մարդասիրական գործիչներին անել ավելին:

ԱՌԱՋԱԴՐԵՔ ՀԻՄԱ

Երախտագիտությամբ՝


«Ավորոայի» թիմ

«Ավորոա» գրքի ակումբ

Մեր ընթերցանության անկյունում ներկայացնում ենք նրանց, ովքեր օգնում են ավելի լավ հասկանալու՝ ինչ է նշանակում լինել մարդ եւ մարդասեր:



«Ավորոա» մրցանակի դափնեկիր **Ջուլիեն Լյուսենգեի** ղեկավարած կլինիկան հայտնվել է Բունիայում Էբոլայի դեմ արձագանքման Եպիկենտրոնում: Կարդացեք նրա մեկնաբանությունը **«Associated Press»-ին**՝ ինչպես են Էբոլայի բռնկման հետեւանքով **կանայք հայտնվել ամենամեծ ռիսկային գոտում:**



Հուլիսի 30-ին նշվող Մարդկանց թրաֆիքինգի դեմ պայքարի համաշխարհային օրվա նախաշեմին մենք ընթերցում ենք **Սունիտա Զրիշնանի** հուշագրությունը՝ **«Ես այն եմ, ինչ կամ»:** Սունիտան Ասիայում սեռական թրաֆիքինգի դեմ պայքարի խոշորագույն կազմակերպություններից մեկի՝ «Փրաջվալայի» հիմնադիրն է:

Նա իր գրքում պատմում է տասնամյակների աշխատանքի մասին եւ անդրադառնում այն ծանր հարցին, որին կրկին ու կրկին վերադառնում է՝ ի՞նչ է պետք չհանձնվելու, դեպի առաջ ճանապարհը շարունակելու համար:



«Ավորոայի» հանրային կապերի եւ ռազմավարական հաղորդակցության հարցերով տնօրեն **Ջոին Թոմաս-Ջենսենը** խոսել է «The Mirror US»-ի հետ, թե ինչպես են **Էբոլայի բռնկումը ԿԴՀ-ում** եւ **ավերիչ երկրաշարժը Վենեսուելայում** բացահայտում իրավիճակը համաշխարհային մարդասիրական օգնության ոլորտում: